

御題養正圖詩



御題養正圖詩

寢門視膳

寢門日三朝問安承色笑失常心誠憂膳徹詢所樂允  
哉風人頌爲子止於孝

膳斥鮑魚

教子乃稱慈莫要於擇師公望徹膊關云非禮所宜助  
教屏邪蒿依然直道遺

振貸貧民

富民信善言發倉不宿善如傷本夙衷豈待溝壑轉高  
山切景仰疊疊中心勉

御題養正圖詩

丹書受戒

顓頊道匪遙端冕丹書勘敬義及怠欲所爭勝一念詎  
惟誠寧王萬古垂君鑑

臨朝四輔

道充與弼丞環立咸惟聖得一已爲艱求四其奚稱能  
不聽朝乎蒿目惕以敬

桐葉封虜

桐圭命擇日史佚箴戲言盡美未盡善宗元有讜論所  
嘉在從諫其事可兩存

自結履繫

繫解因自結於士信愛敬豈無僕隸人足以供使令宣  
尼亦有言文譎而不正

亟用賢人

炳火爵衛客舉之牛口下固宜羣臣爭孰非入朝者不  
以小亡大卓論千秋寡

戒君節飲

飲君致君樂籩豆能無亂卜晝未卜夜不過能救半傳  
稱兼仁義阿好乃過贊

善言格天

移相及民歲孤立將焉託載拜賀善言天高聽早諾三  
御題養正圖詩

舍廿一歲或亦失穿鑿

夫婦如賓

躬耕妻饁餉相敬如大賓曰季因識缺薦賢掌下軍燕  
好慎動靜鼎來還誠君

託相獻規

善相善觀友吉惟自取耳荆君悟其言虛懷收俊士  
顏笑蔡澤唐舉眞小矣

廷理執法

茅門擬應臯入者必下車廷理雖執法御者誠何辜蹂  
雷至戮人荆刑亦甚乎

仁言動眾

巡軍慰勞寒士如挾纊暖行師固尙義濟仁用眾本舍  
鞭語子革相去豈不遠

因樂求賢

臨觀非德義其樂未爲廣勸善以戒惡輔導資忠讜晉  
侯誠渴賢司馬應上賞

得賢弭盜

士會實晉彥黻冕登廊廟進善不善遠秦乃藪晉盜武  
仲對季孫亦稱知政要

敬器示戒

御題養正圖詩

三

周廟右座器非尊亦非爵宣尼闡明訓義富其言約惡  
平聲有滿不覆凜乎御朽索

金人示戒

廟階立金人緘口銘其背言鄙中事情如臨師保誨於  
恆尙慎茲矧其爲綸綍

叶

賤貨尊賢

崇堂列賓筵鳴玉白珩訊譁囂非楚寶英賢斯登進王  
孫誠善答簡子乃失問

泣思直臣

層臺俯洪波酣飲樂乃泣舍死無諤諤紂亡在默默邑

君尙憶忠天王可遠直

詢求政術

蹇老箴安于忠信及敢矣心緩宜佩弦此物此志耳用是治晉陽推行耀惇史

誅絕佞人

逢君善順承進過巧無比六年不爲薶曾未進一士樂激信佞人致之者簡子

咨訪相材

枚卜問里克克曰觀所進商賢端不肖成因佩相印課臣在尙賢國治天助順

御題養正圖詩

四

式閭禮士

式車過段閭尙德乃下已欲相干木辭致祿國人喜禮賢非務名秦兵還爲止

政術諭下

之任示三端要在手親辨誰非入晦者久乃愈明顯治鄰人不欺文侯教實善

雨不失期

飲樂天復雨宜止乃命駕期獵往罷之皮冠招豈詐綸綽慎所出令名繼五霸

旌賢去姦

委政國未治寧無蔽下情毀譽防左右實跡使按行烹  
阿封卽墨齊威信英明

### 敝袴待功

敝袴命藏之云待有功贈雖多渴賞人聞之更誰應嘖  
笑固宜慎袴賞陋且佞

### 井窺示警

聽行貌雖醜侍者阿姣麗說鏡而惡士明己不知類鄒  
忌曾發端同歸此一致

### 教子務學

隆準起山東得之以鞍馬省書知大意非務章句也誰  
御題養正圖詩

五

云不喜儒乃慕眞儒者

### 條陳故事

弱翁相孝宣條奏廿三事意不在紛更謂古今異制勸  
重農圖備更爲識要義

### 嘉獎勤學

定陶初好學習法律文辭加服遣之國旌勸傳一時入  
繼政乃亂虛名害可思

### 下車問疾

十歲通春秋啓迪誠善矣家居屬有疾擁經而前視永  
平有實政重道復如是

遣使質疑

魯論傳細君授帝承寵遇遣使常質疑研精窮理趣面  
杳乃未傳或亦同溫樹

愛惜郎官

賜錢惜郎官不俞館陶求百里苟非人民將罹困憂恩  
義兩無害顯宗策允周

託物喻政

抱兒獻水薤意各有所喻恤孤清擊強仲遠實善悟滔  
于說鄒忌疑言導先路

禮聘遺賢

御題養正圖詩

六

東帛聘南陽降殿問失得爾時政多疵未聞匡濟策白  
駒固休風虛名亦奚益

師事名賢

林宗告童子當精義講書照對人師難如絲附藍朱躬  
行勝佔畢識超人殊

教子讀書

教子讀諸書純駁似相閒迪德在救失固亦有所見手  
澤依然存終焉竟亡漢

傷指自悲

宣子甫十齡傷指改容悲毀傷卽不孝誠非爲痛啼忘

身及親者可以翻然思

運甓習勞

朝暮運百甓習勞歷厥躬壘不遑暇逸詎學清談崇昭  
烈歎髀肉有志後先同

不賣的盧

相馬語誠信賣之禍延人叔敖有芳蹤毋寧害己身顯  
達垆王公乃惡元規塵

觀穫進規

觀刈固甚快速刈則甚勞胼胝歷三時錢鏹始一朝實  
言寧爲讜何致握手蕭

御題養正圖詩

七

投籤警寐

布衣據江左人情悉賢奸猶自勤庶政投籤警夜眠開  
創率無逸守成鮮知艱

弓矢喻政

弧矢少所御尙未盡其妙况乎治理微更宿因頒詔文  
皇善絜矩萬古垂政要

闕館親賢

弘文聚四部時彥引六人不惟研經史政務兼諮詢固  
宜貞觀治幾與成康臻

習射殿廷



撥反時已平暇猶引衛士云不以穿池爲師教弓矢納  
諫帝所長詰戎又如此

崇師問道

聞之古人言忠孝非二事珪以對魏王可謂知要義所  
習在爲善此物猶此志

上書減膳

虧膳盡宰職申減據戴禮引過致答謝孝敬固賢矣三  
復黃臺瓜高宗昏無比

觀圖自警

出入省無逸開元治臻秦天寶相李楊乃以山水代有  
御題養正圖詩

八

初鮮克終萬古垂明戒

煮藥然鬚

薛王屬有疾煮藥然帝鬚病痊鬚何惜史傳頌友于友  
于貴中庸僕寺豈一無

克己任賢

攬鏡忽不樂殊瘦因相休貌瘦天下肥乃爲社稷謀敬  
肆一念閒播越亦已求

獎勸循良

元宗初勤政每自擇刺史宋州宴從臣舉酒褻寇泚惟  
良二千石課吏宣同揆

樂受格言

養身惟寡欲治世務愛民內聖與外王言實而弗文藝  
祖書之屏可謂善尊聞

散遣宮人

唐宗放三千宋祖惟一百數匪減前人三百守宮掖怨  
曠內外鮮善政光史策

遵守舊章

屏後二大甕以置投文簡滿卽焚之衢相業普亦顯固  
云慎無稽得毋失從善

論字知非

御題養正圖詩

九

諭德諭以德顧名當思義所繫在宗社詎必工文字子  
明信良規士遜能觸類

常讀論語

報罷讀論語普沈先後同可謂識大體更張非所工水  
早日疏陳太初尤醅忠

焚香告天

避驄權倖凜知蜀琴鶴友每夜露香告得會同者否不  
可對人言君實未嘗有

借事納忠

孝先銓錄古弱侯此津逮納忠如一轍詎在丹青綴可

以鑑千秋躬行慎自勵

御題養正圖詩



十

